

REFERAT Kommunalbestyrelsi d. 20-12-2022

Mødedato Tirsdag d. 20. december 2022 kl. 19:00

Mødested Teamsikkut

Indholdsfortegnelse

Saqqaa.....	3
Oqaluuserisassat akuerineqarnerat.....	4
Namminersorlutik Oqartussat suliassaqarfii imaluunniit immikkoortumik nakkutilliineq.....	5
Sanaartornermut iluarsartuussinernullu Aningaasaateqarfimmik pilersitsineq.....	8
Lukket.....	12
Imaqarniliap akuerineqarnera.....	13

Punkt .: Saqqaa

Avaaraq S. Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Inga Dóra G. Markussen (S)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelson (S)
Ken Madsen (N)
Finn Karlsen (N)

Beslutning

Ataatsimiinneq nalunaarasuartaatikkut atassuteqarneq ingerlanneqarpoq.

Juaaka Lyberth (IA) aammalu Mala Høy Kukó (S) oqarasuaatikkut peqataapput.

Dines Mikaelson (S) minillugu tamarmit peqataapput.

Punkt .: Oqaluuserisassat akuerineqarnerat

Beslutning

Amerlanerussuteqartut (IA, N aamma D) oqaluuserisassat akuersissutigineqarpoq.

Oqaluuserisassat ikinnerussuteqarrtuniit (S) akuersissutigineqanngilaq.

Punkt 1: Namminersorlutik Oqartussat suliassaqarfii imaluunniit immikkoortumik nakkutilliineq

Beslutning

Ilisimatitsissut tusaatissatut tiguneqarpoq.

Bilag

Aningaasaqarnermut Naligiissitaanermullu Naalackersuisoqarfimmit allakkiaq

Kommuneqarfik Sermersuup attartornermut atukkerneqarnermullu isumaqatigiissutit pillugit suleriaasaanik nassuiaat

Namminersorlutik Oqartussat suliassaqarfii imaluunniit immikkoortumik nakkutilliineq

Ilisimatitsissut

SagsID.: EMN-2022-01268

Suliffeqarfimmut Kiffartuussivik - kommunaldirektøri Ole Jakobsen/ OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Aningaasaqarnermut Naligiissitaanermullu Naalakkersuisoqarfimmit allakkiaq ilanngussa q tusaatissatut tiguneqassasoq

Suliassamik saqqummiussineq

Kommuneqarfik Sermersuup ineqarnermut tunngatillugu suleriaasia pillugu 2021-mi novembarip ulluisa 9-anni Nakkutilliisoqarfiup aalajangiinerata malitseqartinneqarnera pillugu Kommuneqarfik Sermersooq Aningaasaqarnermut Naligiissitaanermullu Naalakkersuisoqarfimmit allakkiamik ilanngunneqartumik tigusaqarpoq. Allakkiami kommunip attartornermut attartortitsinermullu isumaqatigiissutinik Naalakkersuisut akuersiteqqaarneqartarsimannginneri isornartorsiorneqarpoq, taamatullu assingusumik ilioqqinnginnissaa pillugu kommune qulakkeerinnittassasoq sakkortuumik erseqqissaassutigineqarpoq. Allagaq Nakkutilliisoqarfimmut aamma nassiunneqarpoq.

Matumani pissutsit maanna iluarsineqareersut imaluunniit iluarsiniarlugit ingerlanneqartut annerusumik pineqarput. Taamaalillutik ilitsersuutit nutaat ersarinnerusullu suliarineqarput misissuinerlu aqqissuullugaanerulluni. Pissutsit pineqartut tassaapput aqutsisuusimasut maanna aqutsisutut inissisimajunnaarsimasut suliassaqarfik pineqartuq pillugu malittarisassanik aalajangersakkanillu malinninnissamut naammattumik eqqummaarissimannginnera.

Tamanna Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr 26, 28 november 2016-imeersumi § 24 pillugu pissutsit pineqarput.

"§ 24. Imm 2-mi malittarisassatut aalajangersakkat apeqqutaatillugit kommunit Naalakkersuisunit akuerineqarnatik:

- 1) taarsigassarsisinnaanngillat allanillu akiitsunik pisussaaffilersinnaanatik,*
- 2) qularnaveeqqusisinnaanatik allanillu pisussaaffinngoratarsinnaasunut tiguisinnaanatik,*
- 3) attartornissamut attartortitsinissamullu isumaqatigiissuteqarsinnaanerannut, aamma*
- 4) pisortat namminersortullu suleqatigiinnerannik il.il. isumaqatigiissusiornerne*
- 5) kommunit inatsit malillugu pisussaaffinngisaminnik aalajangersimasumik ikiorsiissuteqarnissamik assigisaannilluunniit neriorsuuteqarnissaannut.*

Imm 2. Naalakkersuisut malittarisassanik, kommunit erseqqissumik aalajangersarlugit killiliussani iluanni imm. 1-imi taarsigassarsisinnaanermik il.il. pisinnaatitsisunik aalajangersaassapput. Naalakkersuisut tassani pisinnaatitsissummi, kommunit aningaasaqarnermik, missingersuutinik il.il. aqutsinermik piumasaqaatinik naammassinninnissaat tunngavissaatissinnaavaat."

Ineqarnermut Attaveqaatinullu Naalakkersuisoqarfik eqqarsaatigalugu Naalakkersuisoqarfik kommunimit oqaloqatigineqarpoq allagaatillu piumaneqartut tunniunneqarnikuullutik. Naatsorsuutigineqartariaqarpoq Ineqarnermut Attaveqaatinullu Naalakkersuisoqarfik piffissami ungaserujussuanngitsumi nakkutilliineq inatsisitigut aalajangersagaanngitsut pillugit inernerinit nassiussiumaartoq.

Ingerlatsivimmit aningaasatigut sulisoqarnikkullu naliliinerit

Allaaserineqareersunut naleqqiullugu suliaq aningaasatigut kinguneqaqqinnikuunngilaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup saqqummiussa q tamakkiisutut isigaa. Taamaammat inassutigineqarpoq taanna akuerineqassasoq, suliarlu Kommunalbestyrelsimut aalajangiiffisassanngorlugu ingerlateqqinneqassasoq.

Inatsisitigut tunngavissaq allakkallu tunngaviumik uppernarsaatillit

- Illuliortiternernut aningaasalersuineq pillugu Inatsisartut inatsisaat nr 39, 23 november 2017-imeersoq
- Kommunit aqunneqarnerat pillugu Inatsisartut inatsisaat nr 29, 1 novembari 2017-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr 26, 28 november 2016-imeersoq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 12.12.22:

Ilisimatitsissut tusaatissatut tiguneqarpoq.

Ilanngussa q

1. Aningaasaqarnermut Naligiissitaanermullu Naalackersuisoqarfimmit allakkiaq
2. Kommuneqarfik Sermersuup attartornermut atukkerneqarnermullu isumaqatigiissutit pillugit suleriaasaanik nassuiaat

Punkt 2: Sanaartornermut iluarsartuussinernullu Aningaasaateqarfimmik pilersitsineq

Beslutning

Inassuteqaat amerlanerussuteqartuniit (IA, N aamma D) akuersissutigineqarpoq ima ilassuteqaatitalerlugu: Qaammatit pingasukkuutaarlugit Aningaasaqarnermut Inuusutissarsiornermullu Ataatsimiititaliamut malittareqqinneqartarnissaa.

Siumumit akuersissutigineqanngilaq.

Siumumiit ikinnerussuteqartutut oqaaseqaat: Siumup akuerinngilaa, sanaartornermut iluarsartuussinermillu aningaasaateqarfik, kommunip aningaasanik 1,25 milliardinik attartornissaanut atatillugu pilersinniarneqartoq, pilersinneqassasoq.

Bilag

Kommunip kukkunersuisuutitaata Deloittep allakkiaa, ”Kommuneqarfik Sermersuumi 2022-p naannginnerani Sanaartornermut iluarsartuussinernullu Aningaasaateqarfimmik pilersitsinissaa pillugu allakkiaq”

Kommunit Namminersorlutik Oqartussallu missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersumi § 20a

Kommunalbestyrelsip 27. maaji 2022-mi immikkut sammisaqarnerani PPT-mut tunngasut atortussat

Sanaartornermut iluarsartuussinernullu Aningaasaateqarfimmik pilersitsineq

Aalajangiiffigisassaq

SagsID.: EMN-2022-01268

Suliffeqarfimmut Kiffartuussivik - Kommunaldirektøri Ole Jakobsen/ OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2022-p naannginnerani Sanaartornermut iluarsartuussinernullu Aningaasaateqarfimmik pilersitsinissaq akuersissutigineqassasoq
- sanaartornermut aningaasaliissutit atunngitsuukkat 31.12.2022 Sanaartornermut iluarsartuussinernullu Aningaasaateqarfimmut pilersinneqaqqammersumut nuunneqarnissaat akuersissutigineqassasoq, taamaalilluni kommunimi 2022-mi aningaasartuutit nalunaarsorneqartut sanaartornermut aningaasaliissutit naatsorsorneqartunut naapertuuttunngorlugit
- 2022-mi 750 mio. koruuninik sanaartugassanut aningaasaliissuteqartoqarnissaa akuersissutigineqassasoq, tassani pilersaarutit illoqarfiup qeqqani atuarfiliorneq - AKO - meeqqeriviliorneq Siorarsiorfik NCD A/S-imiit tignissaanut naammassisarnissaanullu atugassanngorlugit
- Illoqarfiup qeqqani atuarfiliorneq aamma AKO-mut 2023-mut 211 mio. koruunit aamma 2024-mut 69 mio. koruunit aningaasaliissutit missingersuutiniit peerneqarnissaat akuersissutigineqassasoq

Suliassamik saqqummiussineq

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-mersooq Inatsisartuni akuersissutigineqarneratigut, kommunit nammineerlutik Sanaartornermut iluarsartuussinernullu Aningaasaateqarfimmik pilersitsinikkut missingersuutitigut tekniskiusumik aaqiisinnaanngorput.

Soorlu allaqqasoq, inatsit ukiumut missingersuusiortarnermut aamma aningaasanut inatsimmut inatsisip atuutilersinneqalereernerata kingorna aalajangiiffigineqartunut sunniuteqassaaq, imaappoq 2021-mi kingornalu. Tamannali missingersuusiortarnermi aalajangersakkanut il.il. attuumassuteqarnerorpasippoq.

Soorlu aalajangersakkanut oqaaseqaammi allassimasutut Sanaartornermut iluarsartuussinernullu Aningaasaateqarfimmik pilersitsineri siunertaavoq, missingersuutitigut isumannaassuseq annertunerulersinniarneqarpoq aamma sanaartornermi aningaasanik aqutsineq eqqarsaatigalugu. Pingaaruteqarpoq ersarissassallugu ingerlatsineriut sanaartornermullu tunngasuni missingersuummik inissitsiterineq agguataarinerlu allannguuteqarani ullumikkutut ingerlanneqartassamat

Aningaasaateqarfimmik pilersitsineq pissaaq sanaartornissamut aningaasaliissutit atorneqanngitsut ullormit 31.12.2022-mit Sanaartornermut iluarsartuussinissamullu Aningaasaateqarfimmut nuunneqarnerisigut, tamassuma ilagissavaa annertuunik sanaartornissamut aningaasaliissutit aningaasartuutit taakkunungalugu aningaasartuutit ilaasunik nuussineq. Taamaaliornikkut 2023-mi siunissamilu sanaartugassanut aningaasartuutit sunniuteqartitsisoqassanngilaq.

Sanaartukkanik NCD A/S-imiit tigusineq aatsaat pisinnaassaaq, kommunip taakku aningaasalersornissaanut taarsigassarsisinnaaneq iluatsippagu. Tassunga atatillugu maluginiaqquneqarpoq, Sanaartornermut iluarsartuussinernullu Aningaasaateqarfimmik pilersitsinermi siunertaammat, akiliisarnermik pilersaarusiornermi nikingatitsinikkut kommunimi sanaartornermi angusanut sunniuteqartinneqannginnissaata qulakkeerneqarnissaa.

Sanaartornermut iluarsartuussinernullu Aningaasaateqarfimmik pilersitsinermi aamma peqatigitillugu Sanaartornermut iluarsartuussinernullu Aningaasaateqarfimmi allaffeqarfiup maleruagassaanik allaganngorlugit suliaqartoqassaaq, taamaalilluni Sanaartornermut iluarsartuussinernullu Aningaasaateqarfimmik pilersitsineq aningaasaqarnikkut pitsaanerusementik kommunimi sanaartornermi pilersaarutaanut pitsaanerusementik atassuserneqassaaq aamma taamaaliorinikkut Sanaartornermut iluarsartuussinernullu Aningaasaateqarfiup suliaanut tunngasutigut ukiumoortumik nassuiaasiofigineqarnissaa qulakkeerneqassaaq, tassa 2022-mi ukiumut naatsorsuusiorneq aallarnerfigalugu.

Kommunalbestyrelsip 27. maaji 2022-mi immikkut sammisaqarnerani Missingersuutit pillugit inatsit nutaaq missingersuusiortarnerlu sammineqarput. Missingersuusiortarnermi inissisimaneq (inatsimmi § 2) kiisalu Sanaartornermut iluarsartuussinernullu Aningaasaateqarfik (inatsimmi § 20a) aamma marloqiusamik aningaasaleeriaaseqalernissaaq pingaarnertut sammineqarput.

Kommunalbestyrelsip immikkut sammisaqarnerani atortussat ilanngussaaq 3-tut ilanngunneqarput.

Ingerlatsivimmit aningaasatigut sulisoqarnikkullu naliliinerit

Soorlu allassimareersutuut Sanaartornermut iluarsartuussinernullu Aningaasaateqarfimmik pilersitsinermi pingaarnertut siunertaavoq, siunissami sanaartukkanut ataasiakkaanut akiliisarnissamik pilersaarummi nikingassutaasartut kommunip ukiumoortumik angusaanut sunniuteqannginnissaat.

Aammattaaq Sanaartornermut iluarsartuussinernullu Aningaasaateqarfimmik pilersitsinermi ilaatigut siunertaavoq, kommunimi sanaartugassanut pilersaarutinut tunngatillugu aningaasanik aqutsinerup pitsaanerusementik ingerlanneqarnissaa, peqatigitillugulu Sanaartornermut iluarsartuussinernullu Aningaasaateqarfiup ukiumut suliaanut nassuiaasioortoqartarnissaa.

Pingaarteqarpoq ersarissassallugu Sanaartornermut iluarsartuussinernullu Aningaasaateqarfik sutigut tamatigut kommunip karsiata ilagimmagu, soorlu Sanaartornermut iluarsartuussinernullu aningaasaateqarfimmi aningaasat tigorianaanaat kommunip karsiani aningaasanut tigorianaannanut ilaasut. Kommunip ingerlatsinerani susassaqtartuni immikkoortitsinissaaq suullu sanaartugassat aalajangiiffigineqarsimanersunik tamanik takunnissinnaanerulernissaaq taamaallaat eqqartorneqarpoq. Tassunga ilutigalugu Aningaasaateqarfimmi pilersaarutit ataasiakkaat ingerlanerilu pingaartinneqarnerulissapput.

Ilaatigut nalinginnaasumik nalunaarusiortarnissamut periusissaliortoqarneratigut pissaaq, tassani takuneqarsinnaassalluni sanaartornermi iluarsartuussinermilu pilersaarutit ataasiakkaat ingerlanerit aamma sanaartornermi aningaasaliissutit ataasiakkaani nikinganerit. Taakkua saniatigut ukiumut kommunip naatsorsuutinik saqqummiussineranut ilaatillugu Sanaartornermut iluarsartuussinernullu Aningaasaateqarfimmut aningaasatigut kiliffiit pilersaarutillu ataasiakkaat ingerlanerani imalimmik immikkut nalunaarusiortoqassaaq.

Ukiumoortumik naatsorsuutit aamma sanaartugassanut ilassutitut aningaasaliissutaaratarsinnaasut Sanaartornermut iluarsartuussinernullu aningaasaateqarfimmut nuunneqassapput, takkulu aningaasaateqarfiup isertitaatut isikkoqassallutik. Sanaartukkat tigussaasut naammassineqarnerannut atatillugu Sanaartornermut iluarsartuussinernullu Aningaasaateqarfiup aningaasartuutai akiliutigineqartutut inissinneqassapput.

Sanaartornermut iluarsartuussinernullu Aningaasaateqarfimmi missingersuusioriaatsimut pitsaaqutaasoq tassaavoq sanaartorerup sivilissusaa ilutigalugu akiliisarnerup nikingasumik pisarnera aningaasaateqarfitsigut nalimmassarneqartassamat, taamaalillunilu ukiumut naatsorsuutini angusanut missingersuutilluunniit inernerinut sunniuteqaataanani.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup saqqummiussa q tamakkiisutut isigaa. Taamaamat inassutigineqarpoq taanna akuerineqassasoq, suliarlu Kommunalbestyrelsimut aalajangiiffisassanngorlugu ingerlateqqinneqassasoq.

Inatsisitigut tunngavilersuutit, sinaakkusersuiner milu uppernarsaatit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allannngortinneqarnissaa pillugu Inatsisartut inatsisaat nr. 13, 1. december 2021-mersooq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersooq

Siusinnerusukkat aalajangerit

Aningaasaqarnermut Inuusutissarsiornermullu Ataatsimiititaq, 15.12.22:

Immikkoortoq 30. oqaluuserisassanit peerneqarpoq

Ilanngussat

1. Kommunip kukkunersiuisuutitaata Deloittep allakkiaa, "*Kommuneqarfik Sermersuumi 2022-p naannginnerani Sanaartornermut iluarsartuussinernullu Aningaasaateqarfimmik pilersitsinissaa pillugu allakkiaq*"
2. Kommunit Namminersorlutik Oqartussallu missingersuutaat naatsorsuutaallu pillugit Inatsisartut inatsisaata allannngortinneqarnissaa pillugu Inatsisartut inatsisaat nr. 13, 1. december 2021-meersumi § 20a
3. Kommunalbestyrelsip 27. maaji 2022-mi immikkut sammisaqarnerani PPT-mut tunngasut atortussat

Punkt 3: Lukket

Punkt .: Imaqarniliap akuerineqarnera

Beslutning

Imaqarniliaq akuersisstigineqarpoq.